

Stichting Onroerend Goed Aruba (SOGA): Proyecto di renobacion y expansion di Hospital ta cla pa ranca sali



DURANTE un conferencia di prensa yama pa SOGA, esta Stichting Onroerend Goed Aruba, a duna informacion riba e acuerdo cu a firma pa asina cuminsa cu e proyecto di renobacion di Hospital. Francis Giel, director di AIB a splica mas encuanto con e proceso a cana su caminda. Dia 27 di juni 2011 a firma un MOU cu e stakeholdernan pa loke ta e realisacion di e proyecto y awe t'asina leu cu e proyecto por continua. A pone 17 instituto financiero hunto, esta 12 banco local y 5 banco internacional pa yega na e suma di casi 240 miyon di financiamiento pa e proyecto aki. E financiamiento aki ta ensera

cu tin un parti prome durante construccion di 4 aña y despues lo rollover den un financiamiento dual. Cu e suma aki lo paga e compra di e edificio actual y lo conclui e contruccion, renobacion, expansion y conclusion di e Hospital. E proyecto aki ta uno di sumo importancia pa Aruba y lo tin su impacto riba e GDP di e pais. E contruccion total ta 27mil m2 di cual 15mil ta nobo y 12mil ta renobacion. Dentro di poco lo firma e acuerdo di huur cu Gobierno y selecta e contratista.

Durante e conferencia di prensa e director di SOGA tambe a bin na palabra. Un chauffeur sin motor no ta move bai niun

caminda, esey ta loke e director di SOGA Jhon Hodgson a trece dilanti. E ta considera SOGA como e chauffeur y AIB ta emotor cu ta haci e desaroyo posibel. SOGA ta financia y percursa pa e proyecto keda ehecuto y cu e cliente ta keda satisfecho. E director a gradicir e instancianan concerni pa a haci cu awe ta asina leu cu por cuminsa ehecuto e proyecto. E firmamento di ayera ta un logro grandi cu ta ensera hopi trabou y sodo y pa e motibo aki e director ta satisfecho cu a dal un paso den direccion di ehecucion di e proyecto. Awo ta cuminsa cu e proceso di tendering paso lo mester selecta 3 contratista di



e 5nan cu tin pa asina sigui mas leu den un proximo fase cu nan. E ta un proceso fastioso pero necesario y importante. E prome parti cu lo bai haci awo ta e contruccion di e edificacionan nobo. Gobierno a pidi SOGA pa accelera e proceso y SOGA lo haci tur su esfuerso pa haci esaki sin cu e ta stroba

e proceduranan. Tur partido ta conta cu e procesonan lo cana bon y esaki ta loke SOGA ta para p'e. Pa selecta e contratistanan mester pasa e proceso di tendering pero for di su experiencia sr Hodges por calcula pa juli/ augustus lo por pone e prome piedra. Cada fase lo dura mas o menos 2 aña.